

Autentična interpretacija Zakona o Vijeću ministara BiH



Visoki predstavnik Miroslav Lajčák danas je objavio odluku kojom se donosi autentično tumačenje Zakona o izmjenama i dopunama Zakona o Vijeću ministara Bosne i Hercegovine. Autentično tumačenje je sastavni dio zakona koji tumači, i ima snagu zakona.

Autentično tumačenje se primjenjuje od dana stupanja na snagu Zakona o izmjenama i dopunama Zakona o Vijeću ministara Bosne i Hercegovine na privremenoj osnovi, sve dok Parlamentarna skupština Bosne i Hercegovine ne usvoji ovo Autentično tumačenje zajedno sa spomenutim Zakonom, bez izmjena i dopuna.

Cilj Zakona o izmjenama i dopunama Zakona o Vijeću ministara Bosne i Hercegovine koji je donio Visoki predstavnik svojom odlukom od 19. listopada 2007. godine jeste omogućavanje boljeg funkcioniranja Vijeća ministara i osiguranje da nijedan član VM ne može opstruirati njegov rad, te da Vijeće uvijek bude u poziciji donositi odluke. Ove izmjene se jednako primjenjuju na sve članove VM i ne odnose se na generalni sastav VM, a naročito na jednaku zastupljenost konstitutivnih naroda. Izmjene i dopune nisu na štetu bilo kojeg konstitutivnog naroda niti entiteta Bosne i Hercegovine.